

井陘縣志料

第五編

大事記

附照片

攝影之一
中華民國十年三月北京佛教籌賑會暨上海商界籌賑協會在井陘縣放散春賑

攝影之二
中華民國十年三月北京佛教籌賑會暨上海商界籌賑協會在井陘縣放散春賑

第十屆華商世界賑災協會三月三日北京佛敎善賑會暨上海
商界賑災協會在陘縣放散春賑眼攝影之一



中華民國十年三月三十一日
北京佛協會之影
井陘縣上高界賑捐之影



大事記目錄

一 軍事

二 匪患

三 創紀

四 興革

1 興利

2 除弊

3 興利兼除弊

五 災祥

六 仕蹟

七 邑宰

附宦補

井陘縣志料

第十五編

大事記目錄

一

八 黨務

第一期 國民黨井陘縣分部

第二期 井陘縣黨部

第三期 中國國民黨井陘縣臨時登記處

甲 組織

子 指導員會議

勺 秘書處

夕 組織部

冂 宣傳部

匚 訓練部

万 民眾訓練委員會

丑 全體會議

乙工作

丙結束

第四期 井陘縣黨務指導員辦事處

第五期 中國國民黨河北省直屬井陘縣區黨部

井陘縣志料

第十五編

大事記目錄

二

井陘縣志料第十五編

大事記

井陘，爲歷史上之古邑。數千年來，所有過去之事實，當然不少。茲約分爲「軍事」「匪患」「創紀」「興革」「災祥」「仕蹟」「邑宰」「黨務」八項，分別敘述於左：

(一)軍事。

秦始皇十八年，王翦伐趙，下井陘。

二世元年，冬十一月，趙將李良，已定常山，還報趙王。趙王復使良略太原。至石邑，秦兵塞井陘險隘，未能前。

漢高祖三年，韓信下井陘。爲背水陣於微水。使輕騎二千持赤幟，從棧道出趙軍後。俟趙軍出戰，潛入趙壘，拔趙白幟，立漢赤幟。趙軍敗，還見之，驚潰。信遂斬陳餘，擒趙王歇。

井陘縣志料

第十五編

大事記

晉武帝太元十二年，井陘人賈鮑引北山丁零翟遙等夜襲中山。燕章武王宙擊破之。

北魏太祖道武帝拓拔珪皇始元年，冠軍將軍于栗磾從韓信故道，開井陘關路，襲燕世祖慕容垂于中山。

文成帝太安二年，春二月，魏尙書陸眞討丁零于井陘山，滅之。

孝明帝正光中，以葛榮之亂，爾朱榮嚴勒部曲，東塞井陘。

孝昌中，賀拔勝爲鎮遠將軍，別將領步騎五千，鎮井陘。

孝莊帝建義初，西魏太守念賢以大都督鎮井陘。

永安二年八月，爾朱兆出井陘，趨殷州。

廢帝中興元年，都督庫狄干自井陘入討爾朱兆。

隋文帝仁壽四年，漢王諒作亂于太原。遣將軍劉建出井陘，略燕趙，建圍戍將京兆張祥於井陘。李子雄自井陘擊諒破，建於抱犢山下。

唐高祖武德元年，李密將王君廓從井陘率衆來降。初，君廓寇略邯鄲，邯鄲人王君愕往投君廓，陳井陘之險，勸先往據之。君廓從其言，屯井陘山。歲餘，會義師入定關中，乃率所部萬餘人歸順，拜大將軍。

高宗調露元年，寇攻定州。遣左金吾衛將軍曹懷舜屯井陘。

睿宗延和元年，幽州都督孫佺等及突厥奚戰於陘山，敗績。

玄宗天寶十四年，安祿山使其將李欽湊將兵數千人守井陘口以備西來諸軍。河謂

東路兵東出井陘口者

常山守顏杲卿假祿山令，犒欽湊士卒，因令醉斬之，悉散井陘之衆。

天寶十五年春正月，詔郭子儀選良將分兵出井陘，定河北。子儀薦李光弼，詔以光弼爲河東節度使，分朔方兵萬人與之。二月，李光弼出井陘，至常山，常山團練兵執賊將安思義出降。光弼召思義問計，遂與史思明戰，大敗之。六月，郭子儀李光弼引兵出井陘，圍博陵，未下，聞潼關不守，乃自博陵引兵入井陘，留王備守常山。

井陘縣志料

第十五編

大事記

二

肅宗至德二年，安慶緒以張忠志爲常山太守，兼團練使。以井陘爲要地，使忠志鎮之。餘各令歸舊任，募兵以禦官軍。

是年，史思明領兵十萬攻太原。李光弼使部將張奉璋守井陘關，思明攻陷之。奉璋走樂平。

穆宗長慶元年秋七月，趙人亂。其帥田宏正爲其下正庭湊所弑。裴度奉詔率諸侯之師問罪。冬十月，師次承天軍。十一月甲午，及王庭湊戰於會星。卽回星今縣治西三里較場村

敗之。十有二月，入貴泉。

按：承天軍裴度題名「貴泉」作「貴衆」。「衆」字與「泉」字之草書極相似；作記者不知井陘有貴泉，故誤泉爲衆。乃於「貴衆」下註：「地名無考」四字。所謂差之毫釐，謬以千里也。

文宗開成中，李克用圍赫連鐸於雲州。分兵出井陘，掠常山。

景福元年，李克用拔天長鎮，掠常山。

二年春二月，李克用圍邢州。王鎔致書解之。克用怒，進擊鎔，大破之。遂下井陘。李匡威引兵救鎔，敗河東兵于元氏。克用引兵還攻邢州。

後梁太祖開平四年，梁主疑趙王鎔貳于晉。會燕王劉守光發兵侵定州，梁遣兵分屯深冀二州，聲言助趙守禦。未幾，盡殺趙戍兵。鎔遣使求援于燕。晉遣周德威將兵出井陘救之。

末帝貞明間，栢鄉之戰，史建塘以兵出井陘。

宋欽宗靖康元年秋八月，种師閔與金斡離木戰于井陘，敗績。都鈐轄劉駘死之。

寧宗嘉定十年，金威州刺史武仙率兵斬石海及其叛黨。先是嘉定九年，金以苗道潤爲中都經略使，金主徵山東兵，接應苗道潤。而石海方據正定叛，慮爲所梗，仙乃率所部精銳，斬石海及其黨二百餘人。

金貞祐元年，元史天倪取威州。

二年，同知正定府事必蘭阿魯帶，以保全贊皇功，授武安節度使。改昭義。權元帥左

井陘縣志料

第十五編

大事記

三

都監遣都統奧亡喜等復取威州及獲鹿縣。

元至正間，察罕帖木兒分兵屯井州，塞井陘口。河東悉定，尋收復山東。發井州兵出井陘。

明洪武元年戊申冬十一月，大將軍徐達發正定，次井陘鳳山寨。井陘關守將李景春遣人來降。達遣參政陸聚守井陘關，自率師度關。遣右丞薛顯取亂柳塞而還。天啟中，流寇作亂，鄧玘移師畿輔，敗賊白草關。賊犯平山，敗之於洪子店馬塚川。賊遁青石嶺，敗之於橫澗村醉漢口。

崇正十一年十一月，清兵自京師至正定，來井陘，破張村堡。

清光緒二十六年，拳匪肇衅，八國聯軍入京。河北一省幾乎全被蹂躪。九月初七日，聯軍中之法軍帶馬步大隊，大砲多尊，意欲直撲山西。行至縣境平望村東，砲車折毀二軸，法軍以爲不祥。又聞大同鎮劉光才奉旨率忠毅軍駐紮井陘，統領武功晉威各營，相機堵

禦據險設防，不日即至；乃退紮獲鹿縣，以爲持久計。十月初十日，光才果至。大營駐紮邑之微水東天門一帶。餘營分三路屯駐。正在督率各軍修築關卡，開挖地洞，安設地雷；而法軍於月之二十九日，突至東天門，以開花大礮猛攻國軍。光才指揮將士，竭力防堵，傷斃法兵多名。法軍始退走。十二月初九日，法兵頭某，又率大隊，由馬村卡外老鴉岩來攻。我軍奮不顧命，竭力堵截，傷斃法兵多名。法兵頭某，亦傷股。法軍震懾，自是始有和意。是役也，我軍以少擊衆，僅克堵禦。爾時尚截後有人，法軍幾於隻騎不返矣。

二十七年二月，和議成。劉光才奉札退師固關等處。光才檄井陘縣知事趙振鴻，赴津謁李中堂，探詢聯軍議和，是否有誠意。中堂告以洋人信實不欺。及趙令回至保定，見洋兵束裝秣馬，匆迫非常；知其有變，即用電線言狀。中堂急視客館，果如趙令言。乃以大義責聯軍代表，聯軍代表詭言帶領小隊，西覘我軍退否；非有他意。三月初三日，法提督巴堯，由獲鹿起行；德提督歐貝，由平山起行；共率馬步大

井陘縣志料

第十五編

大事記

四

隊一萬三千餘人，大礮數十尊，風馳電掣，於初四日會師井陘城。初五日黎明，分乏驢嶺、核桃園、南北障城三路，進攻固關娘子關。劉光才堅忍固守。因湖北武功營失定娘子關，敵兵抄我後路，腹背受敵，子彈如雨，我軍傷亡三十餘人。嗣敵兵以貪進故，被山上大礮及地下車雷轟斃無數。始迅速退歸。而光才亦旋奉札，退駐樂平鄉，以保和局。茲將劉軍門筆記一篇附後，以資參考：

防堵晉東敵兵記

劉光才

光緒二十六年，庚子夏五月，直隸拳教肇衅，中外失和。英俄德法美日義奧各國聯軍，併力進攻。天津失守，通州京城相繼淪陷，震驚宮闈。以致天子蒙塵，巡幸西陲。由是敵人佔據保定、定州，進趨正定、獲鹿等城。直省半遭蹂躪。敵燄大張，銳意西犯。山陝戒嚴。光才於閏八月間，由江甯軍次，遵旨督率所部忠毅軍，前赴大同鎮。本任辦理防務，取道山東直隸西上。行次威縣，欽奉諭旨：『洋兵如果西趨，著卽擇地駐紮，相機堵禦，毋落後著！』遵卽星馳前進，嗣抵欒城，准

山西撫提部院錫咨開：『奏請總統湘晉各軍駐防井陘一帶，以固晉東門戶。』十月初十日，抵防接統，察看形勢，當於東天門巖峯馬村段莊石門青石嶺白塔坡割鬚嶺珍珠嶺后掌東方嶺等處，據險設防。以大營駐紮微水鎮，長崗嶺橫口鎮，俾爲策應。正在督率各軍修築關卡長牆砲台，開挖地洞地營，安設地雷；而法兵馬步大隊，即於十月十九日，來至東天門，以開花大砲攻擊。比率將士竭力堵禦，傷斃法兵多名，彼始退走。自是，敵人時來窺探挑畔。所幸將士用命，於冰天雪地之中，晝夜嚴防，未能侵入。十二月初九日，法兵頭又率馬步大隊，車砲多尊，突至馬村卡外老虎山攻擊。我軍踴躍先登，據險堵禦，傷斃法兵甚多，兵頭二名。數月以來，無懈可擊。遂乃借故生端，日向全權呵喝，逼令我軍退紮。二十七年二月三十日，准山西撫提部院岑電咨：『頃奉諭旨：一奕劻等電稱：『法使以劉光才一軍駐紮井陘，相逼，必須先退，彼國方肯撤兵。否則德法合兵，即日進攻。』等語。著岑春煊查明，即著劉光才退紮山西境內，免致藉口。』等因。欽此。即請遵照，將前敵五營先行退紮晉境，餘軍陸繼撤退。當此開議退兵之際，萬勿固執，再開戰畔，以致貽誤大局。萬一彼軍來撲，千萬不可還擊！倘因退兵貽誤，煊任其咎；若因還擊及不退貽誤，煊不任咎！』光才即於三月初二日，督飭所部一律退紮固關槐樹鋪等處，扼要防守。初四日，又准電開：『奉電旨及全權電咨：一德法提督各帶小隊，前赴固關長城內基，探視我軍真退否。勿起衅端。』等因。咨請遵照辦理！彼如進攻，我軍務須堅忍固守；倘若不支，應即振隊撤去，萬勿還擊干咎！』詎敵情險詐，乘我甫經退軍，布置未定，法提督巴堯德提督歐貝等，率德法洋兵馬步大隊一萬三千餘人，教民無數，大砲數十尊，風馳電掣，於初五日黎明，由乏驢嶺南北障城核桃園，分爲三路，進攻固關娘子關等處。光才督率忠毅軍，堅忍固守。因湖北武功軍失守，娘子關敵兵抄我後路，腹背受敵，子彈如雨，相持至晚，傷亡士卒三十餘人。旋飭退紮樂平鄉，以保和局。是役也，敵兵被地雷轟斃者一千八百餘人；兵頭多

名大受其創，驚懼異常。彼因失信，而又不肯明言，垂頭喪氣，即日退去。此實天奪其魄，以爲強橫狡詐者鑒。誠爲一大快事也。夫惟用兵之道，全在賞罰分明，號令嚴肅，隨機應變，操縱自如，方足以勵軍心，而尙難必操勝算。況時至今日，敵國之欺凌愈甚，軍家之銳氣全消，徒使握兵符者，進退無據，戰守皆非。蒿目時艱，杞憂曷極？爰將遵旨防堵退紮緣由，特援筆而爲之記云。

宣統三年八月十九日

即陽曆十月十日

鄂省民軍倡革命，天下響應。九月初八日，閻錫山

起義晉省，殺巡撫陸鍾琦。初九日，至乏驢嶺視察一次。當日即折回山西。初十日，清固關營參將何立朝退至井陘。十二日，吳祿貞帥清六鎮兵來井陘。十四日，折回石莊。正擬起義，旋被刺。十六日，晉軍由山西開至井陘。次雪花山。越數日，清統制曹錕及協統盧永祥帥師先後來井陘。次鳳凰嶺。此時，南北方議和，相約停戰。故兩軍對壘月餘，未一交綏。至十月中旬末，清軍違約宣戰。十九二十，鏖戰兩日。晉軍以兵寡援絕，於二十一日，施行總退卻。自是清軍此去彼來，紛擾於境內者

井陘縣志料

第十五編

大事記

六

月餘，而南北和議始成。

附詩

戰井陘口俚歌

蔡承澤

歲在辛亥值重九，曉起着衣出門口。瞥見滿街紛紛人，携女抱孫爭奔走。問：緣何事此倉皇，盡負行裝不家守？皆言：『昨夜民軍起，已將晉撫陸擊死。』

琦

民軍官兵將並來，子宜料理速遷徙！我急轉身回至家，連呼妻孥：『整行李！』

名鍾

早覓善地避礮石！妻孥聞言都失色，錯愕莫知其所以。我告：『南山有友人，其家幽僻堪棲止。』妻孥即遵我所囑，一時齊發行甚駛。妻孥已去，我守茲。死生有命姑聽之。未幾官兵東據白石嶺，西望雪花山，立民軍旗。兩軍相持月餘，成大戰。山城內外決雄雌，鉅礮連發若雷震，槍如爆竹聲淋漓。突然一片殺聲逼門外，踰伏潛聽驚魂馳。彈掠屋瓦破窗入，不中身者差毫釐。此際景况危乎危！烈戰兩日各休兵。心似鹿撞吾猶驚，只因城爲官兵據，斬關入室無和聲。一兵執槍問我：『匿有革黨無？』一兵怒目向我橫索酒食需。兵去兵來連不斷，雲

擾數日方登途。無何妻孥陸續歸，見我且喜且歔歔。共道：『沿路血屍慘人目，幸我全家脫此虎狼圍。』吁嗟乎！雖云全家脫此虎狼圍，我今祇覺槍子礮彈恍惚猶在頭上飛。

民國三年，德國軍一隊由天津來井陘礦務局，留連月餘，仍回天津。

八年，直皖戰後，直軍派營長牛拱辰帶兵來井陘，駐紮月餘，旋調去。

十三年秋後，山西省派旅長傅春懷來井駐防。

十四年冬，國民三軍至平山招兵，井陘第三區內，時受騷擾。

十五年十月，晉軍由太原開至井陘。團長蘆豐年駐紮蔡莊。礮兵營營長侯肇馨駐紮東窰嶺。十一月，譚慶林馬隊過井赴晉，所經過之地方，居民大受騷擾。

十六年六月，山西省總指揮孫楚副指揮楊愛源出兵來井。七月，國民三軍徐永昌帶兵來井。九月，進攻望都，敗還井陘布防。

十七年四月五日，奉軍入境，與晉軍戰。在橫口成立縣政府，議參兩會，支應局。井陘

井陘縣志料

第十五編

大事記

七

縣長潘祥和移居南峪村辦公。兩軍鏖戰月餘，至五月七日，奉軍敗退。是役也，井陘全境幾乎皆成戰區，計邑民因晉軍而受之損失，約一百餘萬元。因奉軍而受之損失，約二百餘萬元。

十九年，閻馮與中央肇衅。井陘為晉軍出入要衝，人夫馱騾，皆由地方常川供應。九月，晉軍敗退西歸，仍留高鴻文一旅駐紮井陘。邑民前後與晉軍墊支軍用物品價款，共達五十餘萬元。（附記）此項墊款，迄今分文未還。二十三年三月，編者誌。

二十年七月，石友三叛變中央，駐井邑之高旅奉令開拔前線。所需之開拔費及糧秣馱騾，全由本地徵用。是月龐炳勛所轄之軍隊，由山西栢井驛開往元氏，路經境內障城蔣家一帶，其騾夫所需給養暨支應兵差費，共需洋四千餘元。石軍解決後，各方軍事已經結束，奉軍又派獨立第十七旅六百四十八六百五十兩團，駐紮境內。該旅旅長黃師嶽暨所屬中下級官長，心地均極仁厚。惟兵士紀律太差，境內駐兵各村附近，每日夜必有搶案數起，人民苦痛已極，然實無可如何。

也。

二十一年二月，奉軍黃旅東開，當有宋哲元所屬之二十九軍佟澤光一旅，由山西陽泉來井接防。駐紮一年，紀律嚴明，軍民甚屬相安。

二十二年一月，佟旅奉宋哲元令，調至灤州一帶，預備抗日；未幾因湯玉麟棄守熱河，日軍將進佔長城，佟旅疾馳至喜峯口，與日軍鏖戰月餘。是役也，井陘人民，以佟旅與地方感情甚好，又能為國家努力，乃以一國難後援會一名義，募捐大洋三百元，匯寄前方，慰勞將士。

是年五月，塘沽協約既定，二十九軍王子容一團，由東開至井陘。越數日，山西七十二師，亦由平漢路高邑元氏開至井陘一團。七月王子容一團，開赴察哈爾；同日，佟澤光一旅，由通州開至井陘。九月，七十二師之一團，開回晉省。十月，佟旅亦開赴察哈爾。同時，山西護路軍一團，開至井陘。十一月，五十七軍六百二十五團第一營，由獲鹿開來。計本年境內所駐軍隊，二十九軍，本為邑民所深愛戴；而此次來井，兵士時現驕縱，紀律似不如前。奉軍本為邑民所疾首蹙額，畏懼而恨惡；乃此次五十七軍駐防，營長劉振瀛約束兵士，紀律嚴明，對於地方，毫末騷擾；殊非邑民始料所及也。

二十三年三月，奉軍劉營開赴湖北。

(二) 匪患

明嘉靖二十三年，妖人王廷臣，習白蓮社，燒香聚眾，事發，捕誅之。

崇禎十七年三月，逆闖先使偽官持符至井陘，奪知縣李璧玉印，視事。隨即有偽任將軍從山西攻掠往京，住井陘二日，去。民多被害。八月，清兵追逐闖寇，寇奔逃，已過陘城，抵故關，復入城，縛知縣并其室家以去。

清順治十三年，晉寇高鼎，聚眾劫掠出沒太行山，居民被虐。井陘兵備道陳安國，單騎入山，抵賊所，曉以禍福，鼎乃就撫。

嘉慶初年，齊王氏之亂，邑中受其影響，甚為騷動。

井陘縣志料

第十五編

大事記

八

咸豐三年，洪楊定都金陵。河北臨洺關一帶地方不靖。欒城亦失守。九月間，有匪人數名，連夜騎帶鑾鈴之馬，馳入境內各村，大呼：「賊將至矣！速逃避！否則不能獲免！」等語。一時人心驚惶，夜不安枕。幸邑令李傳黻，竭力整頓團練，民賴以安。

附詩

咸豐癸丑暮秋驚亂四首

梁韓鎮

長日頻傳亂，近在臨洺關。保甲紆籌策，團練條規頒。太平民畏兵，聞者多苦顏。貧人力自歎，富室囊尤慳。欒城已失守，距茲咫尺間。倉卒無可恃，所恃谿與山。賴有賢明府，勤苦濟時艱。

譁言：「官兵至！」連夜聲呼號。長吏督民役，沿路烹豚羔。黃塵暗無邊，白日妖雲高。紛紛奔若狼，馬上橫弓刀。將兵者誰子？前驅擁節旄。軍行一何暇，隨意貪遊遨！但恤征人苦，不念耕夫勞！哀哉離亂民，身命輕鴻毛！

重陽招野老，清夜共杯酒。話及亂離情，燈前各垂首。飲盡不成歡，醉裏聞驚吼。

井陘縣志料

第十五編

大事記

九

開門詢其然，紛云：「獲奸醜。賊約在今宵。」

「訛言起黃口。一夜人心駭，平

明盡驅走。婦孺避山村，分路投親友。

獨來單家村，興感時多難。穉子解嬌啼，閨人泣分散。薄暮返城郭，歸市人驚竄。問之語不詳，但云：「城中亂。」余亦茫茫歸，風聞溪橋斷。迂路向南城，野渡無人喚。何來異域客，扶我登沙岸。到家視高堂，問訊「歸何晏？」提劍更巡衢，自嗟還自歎！

十年，歲大荒。境內土匪蠶起，人心騷然。

同治九年，白蓮教匪黃老和李秀禎等，佔據邑南鑾駕山，煽惑民衆。賴邑紳等辦理團練，居民尚未騷動。黃李等，於光緒元年始勦滅。

民國六年，大水。秋禾被害。有鳳山村暴民，麇集百餘人，各携口袋，聲勢洶洶，欲往各村均糧。經縣長秦昌濟，派警抓獲其首領數人，餘乃鳥獸散。

九年，直皖戰後，潰兵不時竄入。境內南區居民，受騷擾者不少。

十一年，胡景翼駐紮順德石莊一帶。時有匪徒冒充國民二軍軍人，來縣騷擾。南區金柱等各鄉，以附近獲鹿受騷擾尤甚。

十八年夏，鄰邑平山烟堡岡上一帶，窩有匪徒，不時來縣騷擾。橫口賈莊威州各處商號，被搶劫者數家。

是年冬，鄰邑元氏匪人，假「紅槍會」名義，在本縣南區胡家灘一帶，綁票數起。十九年，晉軍由山東敗退西歸，潰兵在境內白花嶺黃岩嶺，盤據多日；在附近各村，綁票甚多。嗣經留駐井陘之高旅派兵追剿，始竄去。

二十年秋間，石友三叛變，華北戰事猝興，潰兵各處竄擾。七月二十八日，境內第四區西方嶺，發現潰兵三人，在該鄉勒索馱驟銀洋；經第四公安分局聞訊，率警趕至，將匪擊逃；村民未被損失。八月九日，第四區威北岸村，復發現潰兵六名，各持鎗械，盤旋思逞；當經縣長王公用舟，督率公安局長，調集城內公安隊，及第二三四各公安分局官警，並第三區保衛團，協力兜剿；在北防口趙坎山一帶，將潰兵

井陘縣志料

第十五編

大事記

十

包圍，當場擊斃一名，擒獲二名，並奪獲匪槍四枝，餘匪三名，先後竄逃；未致潰害地方。同月十九日，第四區上莊村，又來股匪五十餘名，各持槍械，向村民行搶；復經王縣長，調集公安隊長，暨第二三四各分局局長，以及第三區保衛團教練員等，各率所屬警團，併力包剿；在上莊村及武家莊等處，捕獲匪徒十一名，奪獲馬五匹，軍刀十一把，餘匪向獲鹿縣境逃竄。以上所述，皆晉軍高鴻文一旅已經開去，奉軍獨立第十七旅尚未開來時事。自八月二十四日，奉軍開到，駐紮境內，搶劫案更層見迭出，不可勝紀矣！

二十一年春，劉桂堂率其匪黨三千餘人，由縣之東南獲鹿界入境，經亮子嶺岳家莊宿平望牛山一帶；翌日，由平山靈壽北去。此次劉匪經過之地，人民所受損失，不可以數計也。

是年冬，劉桂堂所屬匪黨千餘人，復由口北輾轉南竄，依次在鄰邑阜平靈壽平山盤據多日。本縣警團，駐北陘賈莊，防其竄入境內；並有駐防本縣之二十九軍，派

兵兩營協防。卒之，劉匪出我不意，一夜間，分爲兩路，由縣中自北而南，穿境而過。此次邑民所受損失，亦甚鉅；但大多數在防禦費。其被匪搶掠者，爲數尙無幾也。二十二年五月，橫澗二號煤廠被劫，損失數百元。又西村馬姓家被劫，損失二百餘元。

是年冬，因時局關係，本縣防務，特別吃緊；明火路劫案件，層見迭出。計被明火者，有：狼窩村梁家，石板片村梁家，洛陽村潘家，楊家溝村楊家，橫澗鎮鹽店，五起；八里溝村劉家，三起；共八起。路劫案，有：康莊石門峽兩起，七畝嶺一起，岩峯微水間洞子口兩起，共五起。所幸此項案件，業經保衛團及公安局先後破獲矣。

（三）創紀。

周穆天子，庚辰，至於鈿山。

卽縣北五十里之陘山。

之下。癸未，天子獵於鈿山之西阿。

今陘山上尙有獵臺。

於是得絕鈿山之隧，北循漳沱之陽。丙寅，天子至於鈿山之隧，東升於三道之陘。

乙酉，天子西絕鈿陘，乃遂西南。

見穆天子傳。

井陘縣志料

第十五編

大事記

十一

秦始皇三十七年，崩於沙邱，輜輶車，從井陘西歸。

清康熙四十二年十月，帝西巡，駐蹕井陘。

民國元年九月，孫中山先生，乘正太專車，赴晉省視察。至井陘南關站，見地方官紳，齊集站旁歡迎；乃下車，與官紳晤面，貌極謙和；一面談話，一面觀覽雪花山形勢。移時，始升車去。越數日，先生復由太原乘專車東下。過井陘縣車站時，未駐車；祇舉帽於車窗之外，受各界歡送而已。

（四）興革。

元末，天下大亂，井陘人民，存者僅十之四五。至正丙申，脫日不花，除井陘守禦官，駐麾之初，慨傾私囊，於邑東市僧之地，構旅舍二十四楹，饗殮之計，命官主典；於是軍需十輕六七。張村店有賈姓者，一族盡歿於兵後之大寇；公仍其舊址，修治屋舍，所得房金，散給貧乏。聲聞遠播，流離者盡歸。又慮兵燹之後，人不知學；乃於邑之東偏，立「正蒙齋」一所，擇經明行修者教之。公暇日，親臨課讀；藹然如春風。

之煦物焉。民有言曰：「惜乎！我公來何暮也！」縣治復成。

井陘城，建於明洪武元年。以土爲之，周三里二十步，高三丈五尺，厚半之。嘉靖九年，南城爲水所壞。知縣劉汝弼葺之。二十二年，南城復壞。奉巡撫命，固關管關通判竇仁督同晉州州判陳爵、石砌南門迤東一面。三十三年，苟文奎知縣事，於城東南角建魁星樓。隆慶三年六月，大雨，雉堞崩毀。知縣鍾遐齡砌爲石城，高厚如舊。又於南西二門外，增建甕城各一，弩臺十九座。甕城之門，東曰「東聚」，西曰「鎮武」，南曰「會源」。天啟元年，知縣羅懋湯以南城地形狹隘，屢被水患，移水門於正門之前，上建「覽秀樓」。即今廠豁亭。下築石堤，東另闕一門，名曰「寧河」。避水患也。西城最低，崇正八年，知縣楊攀桂修之，增高五尺。康熙十一年，知縣洪之傑酌撥工價，修補東南兩城樓，及西南城脚。雍正五年，知縣鍾文英修補城上堞口。城門鐵衣剝落者，俱重新之。八年，復修東西城樓。

明隆慶間，境內關隘近旁，禁止入山刊木，並禁止水磨。萬曆元年，鍾公遐齡到任，申

井陘縣志料

第十五編

大事記

十二

詳上憲，請復水磨，以蘇疲民。

清康熙九年，知縣洪之傑置學田四十畝，作義學經費。

二十年，知縣周文煊建文昌書院於河東，置學田五十畝，並舊學田，以作常年經費。洪周二公所置學田，後被人侵佔。康熙四十年，知縣高熊徵到任，乃將前令洪公所置地四十畝，追出；又捐俸將周令所置地五十畝贖回。升任後，又呈請以任內墊過車價銀兩買地五十九畝，連前共地一項四十九畝。並於在城社五甲後，另立文昌書院一戶，輸納田租，以杜侵佔；以資在院讀書諸生膏火。

邑中義學舊祇在城一座。康熙五十四年，知縣吳茂陵到任，除在城外復於核桃園板橋、河東、橫口、微水各添設一座；於上安村添設二座；共設義學八座。擇士之有文行者教之。於是窮鄉僻壤之子弟，皆可就學。

邑之楸樹坡村原有學田二十一畝；係明萬曆十年，知縣游公有常用價銀二十六兩八錢買於盧疇者。後被人隱佔。業更數主。迨雍正元年，知縣鍾文英親查確實，

解俸銀五兩贖回。縣官收租，永作義學用款。

河東文昌書院，值水漲時，諸多不便。乾隆三十五年，知縣周尚親，乃移書院於在城東門內。前後三進，房三十間。匾額題曰「皆山書院。」

橫口華嚴寺，舊有住持。咸豐元年，知縣姚玉田，准紳耆稟請，改爲義學。立有章程，並出示曉諭，將寺內田租，改爲延師膏火經費。自是，延師不絕，培養多人。

咸豐八年，知縣羅公錦，於戎務倥傯之時，不忘文教，捐俸籌款，契買學田八十八畝。復清查出舊置學田六十畝，永作書院用款。

同治五年，知縣張光鏞，尊儒重土，契買學田五畝。清查出舊置學田二頃零二畝五分。又收入許春田任內契買地九畝，暨許任內文生李文壽捐入書院地三宗，共二十畝。悉交書院董事經營。於是薪水膏火之費，視前充裕矣。

同治六年，知事常善到任，極力注重教育。用書院積款，契買學田五十八畝五分。又買書院後地一畝六分。延師主講，每月，官師各二課。擇紳士十四人，二人爲總理；

井陘縣志料

第十五編

大事記

十三

十二人輪流值年。田租利銀及薪金獎賞之費，皆使經理。量入爲出，逐一登簿清查。年終，張貼出入清單於門首，以昭大信。

光緒十三年，言家駒任井陘知縣，留心種植，多購桑秧，使民承領。當時頗著成效。

二十八年，知縣歐陽繡之，因井邑山多水少，自微水以上，民皆不講稻田，乃於顯聖寺東，營治稻田數頃。當時陘城附近，頓獲稻田之利益。惜善後者無人，漸見廢弛。

二十九年，歐陽繡之任內，奉令改書院爲縣立高等小學堂，招生開課，教授科學。

三十年，知縣謝鑒禮，用書院存款，暨屢次罰款，於舊書院後，創建高等小學堂講室五楹，並構配房二十餘間，作爲學生寢室。又用罰款購柳秧，沿河種植。

民國八年，縣長張蔚南，以縣立高小學校校舍狹隘，募款一千三百元，購房一所，撥歸警局，即以警局原住萬壽宮地址，撥作高小校舍。

即今公安局房

民國十年，趙公椿煦任內，成立本縣職業學校。以邑中除第三區外，婦女多不知紡織，乃於職業學校內，附設織布傳習所，每村派一人或二人，入所傳習，並在縣立

女子小學內附設婦女織布傳習所一班，招收各鄉婦女入所傳習。當時功效已經大見。惜繼任者不能廣續爲之，遂致功敗垂成也。

井陘向以瘠苦著稱。究其所以瘠苦之原因，不外全境皆山，農田無幾；而山又完全濯濯，無生產物故也。民國二十二年，任縣長甫亭，觀地方困苦情形，乃極力提倡種柞樹以養山蠶，並著有開發井陘富源之一得一書（內容亦以飼養柞蠶爲主）徧發各鄉，俾人民研究「因地致富」之術。現正在督促進行中。將來井陘果能得享柞蠶之利益，則純出自任公之賜也。二十二年三月編者記

井陘看守所，多年失修，房屋破碎；且犯人住室，只有區區五六間，倘押犯稍多，則擁擠萬分，動轉且不能自由，遑論衛生。歷任縣長，屢擬改良，均以用款無着，未能實行。民國二十二年，任甫亭縣長，毅然親向各礦募捐，並令各區區長向各該管轄鄉民廣爲勸募。即以募得之款，交監所協進委員會，督工興修。將犯人所住舊房，完全拆去，從新另建十餘楹，除押犯住室外，並有浴室、工場各項設備；雖一廁所

井陘縣志料

第十五編

大事記

十四

之微，亦經注意改良。自是井陘看守所內之押犯，身雖在囹圄中，而實際上所享之幸福，較之平民，則有過之無不及也。二十三年三月編者記

右興利。

宋開寶三年，胡郎中爲北面轉運使時，當縣甚苦科錢。井陘縣王威具狀奏聞曰：「竊緣當縣取近河東，阻路二十餘年，民戶傷殘，例皆貧困。每爲科錢，賣卻耕牛，拆却房屋。當縣原額一千四百戶，已去七百餘戶。原輸科錢五百貫文，今權勒輸科錢九百貫文。當縣戶口愈少，科錢倍多。人戶逃移，輸納不逮。伏望聖恩於內量減，供輸得辦。」上命轉運使相度，務在公平。郎中駐泊獲鹿半月，得井陘苦狀，却還本縣科錢。

海寧周公文煊，康熙二十年任。爲政明決，詳陳災邑利弊，驛務六則，九驛偏枯，清除火耗，嚴革行戶革社書造冊額外影射之弊。凡於民有害之稗政，一時爲之肅清。去欒城縣十里之老王鋪，距井陘一百五十餘里，舊例派井陘幫修。每隔一二年，往

修一次。費銀一百餘兩。工人往返，苦況難言。康熙四十年，邑令高公熊徵到任，軫念民艱，詳請上憲，令樂城自修老王舖，井陘不再幫修。自是，民困始甦。

土門口，原係獲鹿縣地方，設有稅務局。而井邑山貨，則例不載。惟香末過口，向來每馱抽錢一文。而稅役欺瞞上憲，竟自抽錢十文。後又勾結棍徒，在井陘南關蔡莊王莊等村設卡，恣意橫行。高公熊徵到任後，念小販以有限之脂膏，飽稅役無底之囊橐，詳請上憲禁革，仍照每馱一文稅率。在獲邑土門口收稅。而井邑南關等處，永絕稅役之迹。

潁川吳公茂陵，康熙四十九年任。稔知井陘驛站，具有八苦：一，工料不敷；二，額設不均；三，站遠途險；四，名不副實；五，工料懸殊；六，草料難購；七，車鞘賠累；八，協濟難支。特詳陳上憲，爲民請命。

舊年縣署中所用之煤，及馬廠煮料之煤，皆徵民驢駝運。煤窰距城，不過十數里；而書吏舞文，竟出驢於四五十里以外；甚有至七八十里者。原差承票在手，恣意包

井陘縣志料

第十五編

大事記

十五

折爲之代催，稍不滿意，則催促甚迫；及到城，又不令其即駝，多方作弄，故意耽延時日。雍正元年，增城鍾公文英到任，憐民受害，乃山署內買驢數頭，用煤時，即令差役趕運，不復貽害於民。

同治間，固關參將高某，以收稅缺額無力賠補，申詳上憲，擬再於微水東天門等處，設立關卡，以防偷漏。凡煤馱，無論輓馱硬馱，每馱統收制錢十五文；大車自西而東者，每輛向收制錢二百外，再加一百文；自東而西者，向收制錢一百外，亦加一百文。藉補稅缺。上憲委正定府知府劉公秉琳查覆。公馳赴井陘，知輓馱駝煤，皆係貧民生計異常艱苦，難納稅錢。據實申詳，上憲照准。自是，車載過往，加百抽收。輓馱駝煤，概不徵稅。而東天門設卡之說，亦遂作爲罷論。

舊年人民涉訟者，有「帶差吃飯」一說。不知始於何時。蓋陋規也。雖紳衿涉訟，亦必有二三原差，隨跟吃飯；或日折制錢百數十文，至二三百文不等。稍不遂意，即大加作踐。士紳受其欺陵，吞聲忍氣，莫可如何。同治間，陽湖張公光鐸，愛士恤民，於

文會之暇，咨訪民瘼，多士即以此事爲請。公乃出示云：『凡紳衿涉訟，不論原被，聽其自行討保候審。倘原差再蹈前弊，仍將紳士私押詐索，或嚴加防守，許該紳具稟，立即提訊究懲！』至光緒間，常熟言公家駒到任，訪知紳衿雖免帶差吃飯，而普通人民，仍受其害。乃稟明正定府陳太守，銳意革除。自後，平民涉訟，不論原被，亦不准原差隨跟吃飯。民人感德，勒石縣衙左側。及庚子之變，言公所立一免帶差吃飯一碑，被人砸毀。原差對於涉訟者，漸復故習。幸趙公振鴻到任後，留意興革，查悉前縣令有此德政，不應埋沒，乃捐俸募工，復勒石衙左，自撰白書。畧云：『無論鬻門白門，因事涉訟，永違禁革帶差吃飯！准其自尋寓所，自找保人，但不得寓居舊所謂「官詞舖」內！以冀永革前弊，與民休息。倘差役詐索飯錢，或已傳到城延不稟到，准原被人證，指名喊控，以憑究辦！』自是，所謂「帶差吃飯」之弊，始得以永遠免除。

在昔政體專制，不但民與官不平等，民與民亦不能平等。井陘爲燕晉往來之孔道，

井陘縣志料

第十五編

大事記

十六

徭役頻繁，百倍於他邑。但同一井陘居民，以所在地域不同，而負擔之輕重，實大相懸殊。城內居民，向不應役；除完納錢糧外，無他事事。三關管支應縣署差役，沿大路各村，管支應逐日過往差役。金良莊爲「鷄鴨莊」，祇供縣官鷄鴨，不負擔一切。其餘各村，爲差徭莊村，一切大小徭役，無一不完全負擔。民國元年政體變更後，縣中所有差徭，始一律按糧銀平均分配。自是，同一縣境內，民與官雖不平等，而民與民却一律平等。

在昔，城關居民，受制於「官轎夫」、「官吹鼓手」兩項人物。婚事，非用「官轎」、「官轎夫」及「官吹鼓手」不可；不得在鄉間自由僱用。「官轎」轎價，及「官轎夫」、「官吹鼓手」之工價，均無定額；恒視事主之財產及勢力以爲衡。大約每用一次「官轎夫」及「官吹鼓手」，兩項各需制錢一二十貫，或三四十貫，甚至五六七八十貫不等。較鄉間價昂十數倍，或數十倍。喪事，則「官轎夫」無所施其技，而「官吹鼓手」仍糾纏不休。遇有事主憤其騷擾，訟之於官；官亦

不爲作主。此項弊端，不知始於何時。經城關多數有力之紳衿，屢次設法革除，終未收效。迨民國元年，縣議參兩會，列作專案議革之，其害始息。

從前，縣署中所用一切物品，及一應人工，皆由人民供給，承領官價。例如猪肉一斤，普通賣價一百文；而縣署買肉，只發給官價七八文。木匠一名，普通每日工價一百文；而縣署僱用木匠，只發職官價五六文。餘類推。康熙間，知縣周文煊，雖曾禁革一次，繼任者，以不便於己，旋復其舊。凡供應官差者，其名稱上，皆冠以「官」字。如「官肉舖」、「官木匠」等。應差之家，縣署准其向四鄉同業者，索取幫貼，以補其賠累。其所需索者，較其所賠累者，多至數十倍數百倍不等。質之於官，官亦不理。人民受害已久，無可如何。迨民國成立後，隨糧附加銀五角，作爲縣署費用。自是舊日差徭陋規等積弊，始得漸次剷除。

縣署差役，向爲官吏爪牙。其爲害於民，已數千百年矣。民國成立之初，變「原差」一名，目爲「保安隊」，仍是一「換湯不換藥」辦法。迨十七年，革命軍北伐成功，縣政府

井陘縣志料

第十五編

大事記

十七

正式改組，成立「政務警察」，自是舊日衙役萬惡之勢力，始漸次消滅。

「社書」爲害，由來已久。伊等承辦民間完糧過割等事，需索敲詐，弄文舞弊，無微不至。古人喻之爲「社鼠」，誠屬切當。昔周公文煊，知井陘縣事，曾嚴令禁革，其弊未幾，死灰復燃。迨民國十七年，縣政府改組，開縣行政會議，議決：「民間一切過割等事，歸各鄉鄉長副辦理。」舊年「社書」積弊，始根本肅清。

右除弊。

井陘全境皆山，自古著名貧瘠；且地處燕晉間，復當正太之衝，兵家以有險可恃，恒視爲重地，爭欲防守；徭役兵燹，迭至頻來；人民水深火熱，蓋由來已久。詎料民國十四年，金前縣長孝本，以境內有井陘正豐等礦，尙屬發達，遂不問民生何若，呈請上峯，改三等縣爲二等縣。伊時，河北省財政廳長，適爲金縣長之兄金孝悌，一時爲乃弟所欺蒙，遽爾批准轉呈立案。自時厥後，省中一切攤派，井陘均按二等縣分擔負；人民困苦，遂較前愈甚。二十二年春，任縣長甫亭，提倡：「請求恢復舊

日三等縣制，以蘇民困；一邑民深踴其議，遂提出縣行政會議，議決通過後，當經縣長錄案呈報，奉民政廳指令，以『變更縣等事關中央核定成案，非有特殊重大問題，不能率意變更。應勿庸議！』批駁在案。旋經邑民分頭調查舊日正定府屬十四縣戶口與富力，詳列一比較表。除正定獲鹿兩縣向稱富庶列入一等縣不計外，計井陘平山藁城三縣爲二等縣，阜平樂城行唐靈壽元氏贊皇晉縣無極新樂九縣爲三等縣，井陘名爲二等縣，其實土壤最薄，收人最微，與阜平靈壽贊皇新樂四縣不相上下。若較其他各縣，微論同縣等之平山藁城相差太鉅，即比之三等縣樂城行唐元氏晉縣無極，亦不如遠甚。一經比較，足可證明。即根據此項理由，分呈內政部，北平政務整理委員會，河北省政府，懇其憐恤，民困苦，准予恢復舊日三等縣制。結果北平政務整理委員會，以事關地方行政，不予受理；內政部咨請河北省政府酌議核辦；省政府即飭令民政廳核議。詎時逾數月，民政廳尚未提出會議。邑民正在憂慮間，適河北省政府委員嚴公智怡，巡查到

井陘縣志料

第十五編

大事記

十八

縣；邑民環以此事爲請。嚴公詳查陘民生活，委實困苦，乃於回省後，提出省委會議，並列入巡查報告，行知該管機關核奪。迨二十三年三月二日，河北省政府委員會開第五一五次會議，秘書長報告：『民政廳呈復核議井陘縣鄉長等請恢復舊日三等縣制一案情形，請鑒核！又內政部咨復：准咨送嚴委員出巡徐水等七縣報告案內，關於井陘釐定縣等事項，應請飭廳依照各省釐定縣等辦理，請查照！』決議：『准改三等縣咨部備案。』邑民請求恢復縣等一事，至是可謂達到目的矣！飲水思源，當日若不遇嚴公，或嚴公亦如庸人不知爲國爲民，則出吾陘於水火而登之衽席者，誰歟？噫！微斯人，其誰與歸？

右興利兼除弊。

(五)災祥。在有清以前，境內災祥無可稽考。茲志自有清始。

清順治三年，丙戌，蝗。

十三年，丙申，大旱。

康熙四年乙巳七月雨雹。

七年戊申大雨如注經七晝夜。

十年辛亥大有。

十一年壬子大有。

十八年己未大旱。知縣陶虞颺煮粥賑荒。

十九年庚申麥大熟。

二十年辛酉春夏旱。遣官賫銀賑濟。

二十三年甲子夏大旱秋靈雨。

二十五年丙寅夏蝗。十月初五日己時地震。民居傷損。

二十六年丁卯詔全免直隸錢糧。

二十九年庚午大荒。

三十九年庚辰荒。

井陘縣志料

第十五編

大事記

十九

四十三年甲申蝗蝻遍野。

四十九年庚寅五月五色蟲生。有白鴉羣集食之遂沒。

五十年辛卯秋旱。詔全免直隸錢糧。

五十一年壬辰秋旱。詔免賦十之二賑濟。

五十二年癸巳大有。

五十三年甲午二月二十一日風土蔽天白晝如晦。歲荒。

五十四年乙未春旱。秋稼熟。

五十七年戊戌大有。

五十八年己亥大有。

六十年辛丑春夏旱。詔緩徵輸。並發倉賑借。

六十一年壬寅旱。大饑。斗米銀七錢。民食樹皮木葉。詔停徵。復發倉賑恤。

雍正元年癸卯春夏旱。詔遣大臣仍發倉賑濟。

二年，甲辰，大有。

三年，乙巳，大有。

四年，丙午，上諭：『畿南被水，通緩徵輸。』秋成豐稔。

五年，丁未，大有。

六年，戊申，歲熟。夏四月，人瘟。九月十一日，雨雹。

七年，己酉，歲豐。特恩蠲免直隸正賦四十一萬七千八百九十兩。

八年，庚戌，八月十九日，地微震。歲豐。特恩蠲免直隸正賦四十萬兩。

九年，辛亥，麥豐熟。夏大旱。六月二十九日，始雨。秋薄熟。

十年，壬子，麥薄熟。夏大旱。閏五月二十八日，始雨。秋薄熟。

乾隆五十九年，甲寅，大水。民居橋梁，多被冲壞。冲去西關西閣，以及民居半街。秋薄熟。

嘉慶六年，辛酉，大水。秋稼熟。

井陘縣志料

第十五編

大事記

二十

八年，癸亥，八月，飛蝗遍野。所種麥苗食盡。

九年，甲子，春夏大旱。六月二十八日，始雨。秋稼薄熟。

十七年，壬申，大旱荒。

十八年，癸酉，大旱荒。

十九年，甲戌，大旱荒。民大饑。斗米銀一兩。餓死者衆。

二十年，乙亥，大有。

二十一年，丙子，四月初，大雨雹。

二十三年，戊寅，四月初八日夜，黑風一陣，從東而西，迷人心目，不辨南北；星斗俱無；室內燈光黑暗；約有一時之久。

道光元年，辛巳，夏大疫，傷人甚重。綿河大漲。

二年，壬午，西來綿河漲發；本處大旱。

三年，癸未，大蝗；禾苗俱食盡。大水；復大疫；傷人更多。

五年，乙酉，六日，飛蝗蔽天，從東來入山西界，爲害猶淺。至七月間，蝻子出，街坊人家，無處不到；所種晚稼，全被食盡，寸草不留。

八年，戊子，地大震，屋瓦搖動。

十二年，壬申，大旱荒。

十三年，癸巳，綿河大發，又冲去西關街一半。所剩民居，不過兩三家。

十五年，乙未，大有。

十六年，丙申，大有。

十七年，丁酉，西來河水漲發，本處大旱。

十八年，戊戌，大旱荒。

十九年，己亥，六月六日，綿河大漲，冲去人民無算，湧入南城門，淹沒東關閣，二門閣裏西北兩街，家家皆被水害，由東巷流入北關，本處却大旱。年荒。

二十年，庚子，大有。

井陘縣志料

第十五編

大事記

二十一

二十一年，辛丑，夏大旱。

二十二年，壬寅，大有。

二十八年，己酉，十二月間，草木俱白，若雪霜，連三日。

咸豐元年，辛亥，大有。

三年，癸丑，麥大熟。六月二十四日，大雨，如泉下湧，自西刻至半夜。夜中，羣鷓飛鳴，縣境村店，無不共聞。冲去村莊地畝無算。

六年，丙辰，六月，飛蝗自東而來，遮天蔽日，後更蝻生，禾苗葉蔬俱無。

七年，丁巳，蝻生，蝗起，饑饉大荒。

八年，戊午，有蝻蝗，不爲害。大旱。年荒。

九年，己未，大旱。年荒。人民餓死無算。散而在外者實多。

十年，庚申，大旱。年荒。人民餓殍，離散甚衆。

十一年，歲大有。

同治四年乙丑夏無麥秋稼熟。

六年丁卯秋稼熟。七月十五日己未午初有流星其聲如雷火光若電尾帶白氣尺

餘寬自東而西縣境無不聞見。

此係續志原文惟文內午初之午字似誤因午初縱有流星恐亦不易見也

九年庚午八月十三日大雨雹。

十一年壬申大水。七月五色蟲生食禾葉殆盡秋薄熟。

十二年癸酉大水。

光緒三年丁丑大旱歲大荒人相食。

附詩

丁丑述事八首

傅良策

晝夜陰風獵獵吹。千村萬戶斷晨炊。淒涼面目皆菜色。剝削生涯盡樹皮。聲聽號
陶惟待哺。問誰蓄積尚能支？奇荒屢降真無奈。不是家風善忍飢。
少者兒曹老者翁。競談旱魃駕妖風。下流作孽誠難活！君子何辜亦有窮？漫說九
年三歲積。居然十室八家空。憐他絛褲膏梁輩。一一吹簫吳市中。

井陘縣志料

第十五編

大事記

二十二

慘澹陰雲雨雪天。橫屍滿路更益阡。遙看赤地空悲切。每念蒼生便涕漣。但得泥
塗還望活。任教骨肉也難全。君門萬里長安遠。空向黃昏弔夕煙。

困頓顛連徙遠方。雷鳴幾度轉飢腸。家知去遠心常割。淚爲啼乾口自張。殘喘尚
能攜婦子。遊魂幾見裹餒糧。不知天下多如此。猶問：『何鄉是富鄉？』

有客傷心欲噬臍。談來家事太悽悽。忍拋嬌嫩親生女。竟鬻糟糠半世妻。死委溝
渠堆白骨。生將血肉換朱提。如何販口來茲者。猶說「今番價不低」？

聞說災黎太忍情。晉陽一路斷商行。不添狗腹添人腹。空有哀聲有恨聲。尙藉權
衡公量度。還從肥瘠辨分明。堪驚當日朱顏婦。紅眼操刀面貌獍。

入夜鄰坊鬼火青。似從暑月見流螢。自來歉歲尋常有。如此傷心所未經！遺戶萬
難編。令甲餘民細數賸零丁。鄭圖潘鬻仁人事。誰把情形聳聖聽？

賴有東台達帝闈。數行哀詒出綸扉。恩膏百萬連番下。飢溺餘生取次歸。共說此
身蒙再造。可憐故里竟無依。救荒須記儒生語：『莫使奸胥囊裏肥！』

九年，癸未，大水。

十四年，戊子，豆不熟。

二十二年，丙申，大水。

宣統二年，庚戌，七月十五日夜，大雨雹，城關特大，厚半尺許。

民國四年，八月二十五六二十兩日，飛蝗蔽天。時，秋禾已收，麥苗全被食盡。

六年，春旱，六七兩月，霪雨連綿，大水爲災，秋成歉收。

八年，大有。惟北橫口一帶，於八月十八日，大雨冰雹，塊大如拳，屋瓦全被擊碎。

九年，北五省大旱。自五月至九月，境內滴雨未降。秋禾未播種。是年秋後，至翌年夏，

各慈善團陸續來縣施賑，詳細數目如左：

一 順直旱災救濟會委員何君基，於九年十月，送到麥種京斗六十二石。十年

三月，送到棉衣三百七十七件，又郵到大洋一百九十七元。

一 北京佛教籌賑會吳君璧華，邵君明叔，楊君友三，何君一鳴，法師蓮海，於九年

井陘縣志料

第十五編

大事記

二十三

十二月，至十年七月，施小米八百石；大小棉衣二千件；糜子十萬零六百斤。又收養難童五百五十名；本縣立「教養院」一處，留三百名，何君一鳴爲院長；送入北京收容所二百名，種德堂五十名。

一 上海北方工賑協會張君聲翔，於九年十二月，十年一月，兩次施麩麩九千一百七十九包；銅元六千吊；棉衣八百件。

一 北京華北救災協會，十年一月，施大洋一千五百元。

一 國際統一救災會，自十年一月至七月，由青牧師季連施紅糧三百八十七噸；小米三百零四噸；穀黍種子二千噸；豆餅九千四百五十斤；棉被二百一十張；棉衣四百三十二件；貧民學校洋一千四百元；乳育嬰孩洋一千一百八十五元；掘井洋五千元；修路洋六千五百元；行車大路洋一千元。由程司鐸步雲、李君星君、白君潔臣、施放紅糧玉菱小米共七八千石；衣服一千餘件。

一 直隸義賑會委員劉君金銘，十年一月，施洋八千四百三十八元六角；棉衣七

百件。三月，施紅糧二萬一千六百二十四斤。

一北京佛教籌賑會，暨上海商界籌賑會，十年三月，合施小米十四萬五千八百一十四斤。紅糧九萬六千九百一十二斤；麩糠三萬四千八百六十斤。十年五月，施小米十八萬六千一百二十斤；紅糧十九萬四千九百八十斤；糜子五萬四千八百一十斤。

一北五省災區協濟會，十年五月，由吳君璧華，代施大洋七千元。

一日本學生，十年三月，施小棉衣二百套。

十年，夏不熟麥，秋成尚好。

十四年，大有。

十五年，六月二十六日，大雨雹，橫澗橫口一帶，秋苗受害。

十六年，六月六日，八月三日，連次雨雹。城關附近，及橫澗一帶，秋禾受害。

十七年，秋大有。

井陘縣志料

第十五編

大事記

二十四

十九年，旱，菜不熟，未種麥。

二十年，夏不熟麥，秋不熟菜。境內常坪一帶，雨雹。

(六)仕蹟 邑中耆舊，自田叔以來，歷代入仕藉者，頗不乏人。如其有事實可考，概列入人物中。倘無事實可考，則止錄其仕蹟，以資參閱。惟有明以前，本縣未有志書，殊難查稽。茲特將有明以來，耆舊仕蹟，表之於左：

姓名	科名	仕蹟	姓名	科名	仕蹟
樊 暹	明洪武間歲貢	官兵部給事	柴 本	明洪武丁丑進士	官監察御史
康 寧	永樂庚戌進士	官知縣	李 愷	永樂辛卯舉人	官山東濟南府運司同知
高 鳳	景泰丙子舉人	官山東高密縣知縣	趙 彪	成化甲午舉人	官河南盧氏縣知縣
梁 掄	成化丙午舉人	官江西饒州府同知	許時雍	嘉靖丙午舉人	官河南輝縣知縣
畢 秦	嘉靖乙卯舉人	官山西文水縣知縣	楊 諤	隆慶庚午舉人	官河南虞城縣知縣

井陘縣志料

第十五編

大事記

二十五

李資	許進	楊贊	馬聰	蕭顯	呂鐸	何連	馬魁	胡福	高崇文	蕭旭	張高	趙冠	高鎔	王忠	高讓	王讓	何晏	畢貴	王天明	楊名標	李邦平
同	同	同	同	同	同	同	同	同	同	同	同	同	同	同	同	同	同	明歲貢	崇禎辛未副榜	萬曆舉人	萬曆癸酉舉人
官王府紀善	官維縣教諭	官縣丞	官主簿	官知縣	官按察司僉校	官府知事	官知縣	官海甯縣判官	官陝西西安府興平縣縣丞	官知縣	官王府紀善	官引禮舍人	官衛經歷	官主簿	官知縣	官主簿	官左僉都御史	官莒州學政贈浙江道監察御史	官易州教授	官河南西華縣知縣	官陝西西安府同知
李華	李能	吳瑛	貢珏	康昭	張臯	武文	王理	許善	郝瑜	許正統	劉歆	武敏	何曾	吳輝	趙良	武文	樂翔	仇剛	齊文紹	畢光先	于瑞臨
同	同	同	同	同	同	同	同	同	同	同	同	同	同	同	同	同	同	同	明歲貢	萬曆元年恩貢	萬曆壬午舉人
官訓導	官主簿	官王府教授	官慶陽府經歷	官知縣	官太平教諭	官口川知縣	官知縣	官經歷	官榆次教諭	官浙江嚴州府桐廬縣縣丞	官序班	官教諭	官州判	官縣丞	官通判	官知縣	官知縣	官戶科給事中	勅命申府典儀副	考授通判	官湖廣沅州知州

井陘縣志料

第十五編

大事記

二十六

霍紹曾	許馨	王善行	王連	李心學	仇官	于廷光	李崇	仇仁溥	武邦靖	高崇勳	張應魁	仇隆	仇璫	杜懋	張愷	賈宗	張鐸	梁楫	盧成	高顯	邢志
康熙癸卯舉人	頓治十年拔貢	清順治二年歲貢	同前	同前	同前	同前	同前	同前	同前	同前	同前	同前	同前	同前	同前	同前	同前	同前	同前	同前	同前
任 秉鐸 雞澤 新安 東安 三	官河南布政司照磨	官湖廣鍾祥縣知縣	官博興知縣	官山西靜樂縣教諭	官兗州府推官	官濟南府通判	官潞安王府教授	官魚臺教諭	官聞喜縣丞	官崞縣主簿	官壽光訓導	官金縣縣丞	官延州訓導	官統州學正	官博平訓導	官府檢校	官教授	官知縣	官鎮江縣知事	官主簿	官訓導
王憲	霍叔珣	霍叔璋	張建	陳湖	畢三留	王崇憲	陳邦政	賈良輔	張銓	高宗紳	李彙	貢志學	何文	梁哲	許忠智	高紳	梁稷	郝顯	尹霽	邢永清	畢居仁
貢 康熙二十二年歲	順治十年歲貢	順治六年恩貢	同前	同前	同前	同前	同前	同前	同前	同前	同前	同前	同前	同前	同前	同前	同前	同前	同前	同前	同前
官房山縣訓導	官江南吳縣縣丞	官縣丞平原休寧兩任	官經歷	官萬泉右衛訓導	歷官利津岳陽兩任知縣	官齊河縣丞	官武城主簿	官商河縣丞	官伊川教諭	官山東理問正	官藩府紀善	官金華府照磨	官鄧州訓導	官義縣訓導	官榆林訓導	官鉛山主簿	官虹縣訓導	官太平府檢校	官常熟縣丞	官訓導	官臨漳縣訓導

高 講	徐 明 元	王 格	楊 浩
康熙四十七年歲貢	嘉慶間	咸豐七年	同治間
官內邱縣訓導	涑水營守備	獲鹿汛外委	鎮標左營外委
王 泰	吳 永 年	楊 元 善	康 得 勝
嘉慶元年	嘉慶十四年	周治間武生	同治間
王家坪外委	磁州營把總	鎮標左營把總	行唐把總

(七)邑宰 井陘自置縣以來，官斯土者，不知凡幾。但親民之官，厥惟邑宰。茲第將本邑

邑宰表列如次，概置弗錄。

姓 名	籍貫與出身	到任年月	備 註
崔克新	涑水人	元至正三十五年	修舉廢墜振作人，才有循吏風。
張 吉		元皇慶元年	
王 成		宋開寶間	
曹 明		隋開皇六年	見正定大佛寺碑。
蔣 琰	舉人	明成化六年	
王 讓		明成化十八年	為政簡易不擾。
于 湧	浙江仁和人	明宏治五年	
胡 鐸	山東高唐州人	明宏治十七年	
白 清	山東陽信舉人	明正德九年	愷悌愛民祀名宦。
張 鳳	江西建昌府監生	明正德十四年	
劉 璣	陝西白水舉人	明嘉靖十一年	
趙 杭	浙江桐廬貢生	明嘉靖十五年	
王朝弼	陝西朝邑舉人	明嘉靖二十年	
卜應亨	江南潁上貢生	明嘉靖二十三年	
陳 璘	河南涉縣舉人	明景泰四年	以文學經濟為治，入名宦祠。
蔣 琰	舉人	明成化六年	
王 讓		明成化十八年	
江 湧	浙江仁和人	明宏治五年	
胡 鐸	山東高唐州人	明宏治十七年	
白 清	山東陽信舉人	明正德九年	愷悌愛民祀名宦。
張 鳳	江西建昌府監生	明正德十四年	
劉 璣	陝西白水舉人	明嘉靖十一年	
趙 杭	浙江桐廬貢生	明嘉靖十五年	
王朝弼	陝西朝邑舉人	明嘉靖二十年	
卜應亨	江南潁上貢生	明嘉靖二十三年	
陳 璘	河南涉縣舉人	明景泰四年	以文學經濟為治，入名宦祠。

井陘縣志料

第十五編

大事記

一二十七

朱 義	高郵縣歲貢	明永樂中	
牛 恭	河南河內縣舉人	明成化二年	修學興文。
畢 聰	山東舉人	明成化八年	
于 琥	浙江餘姚人	明成化二十一年	
湛 明	鄧州舉人	明宏治十一年	
靳 申	山西黎城貢生	明正德七年	
王 深	陝西正寧貢生	明正德十二年	
楊 純	江西寧州舉人	明嘉靖元年	清介明允祀名宦。
張 松	山西永和貢生	明嘉靖十三年	仁愛及民祀名宦。
丁 礦	江南六合舉人	明嘉靖十八年	
馬 懋	河南陝州舉人	明嘉靖二十一年	

陶虞颺	洪之傑	屠英	周仲選	王章	莫	楊攀貴	王襲封	馮淳	羅懋湯	田賦	井陘縣志料 第十五編 大事記 二十八	張應台	俱宰	陶嘉璋	陳朝重	游有常	鍾遐齡	鍾遐齡	汪之翰	苟文奎	秦瑞	高良弼
士江南金椒進	士湖廣江陵進	貢浙江秀水恩	遼東義州人	士山東萊陽進		陝西蒲城人	山東黃縣人	人四川眉州舉	人江西豐城舉	人陝西寧夏舉		人四川內江舉	生陝西淳化貢	士山東歷城進	遼東衛舉人	人江南婺源舉	士江南漂陽進	生江南宿松貢	人陝西狄道舉	人山西清源舉	生山東館陶貢	
年清康熙十四	年清康熙九年	年清順治十七	清順治九年	清順治四年		明崇正七年	明崇正二年	明天啓三年	三年明萬曆四十	七年明萬曆三十		九年明萬曆二十	四年明萬曆二十	年明萬曆十六	年明萬曆十四	明萬曆五年	明萬曆元年	明隆慶二年	三年明嘉靖四十	三年明嘉靖三十	九年明嘉靖二十	六年明嘉靖二十
	歷陞江南巡撫		為人智勇高鼎之亂民賴以安		失名	政治嚴明				緩征恤民		士愷悌明決恤民作		服政事畫一吏民畏		遣愛祠		才幹強敏		寬和仁惠		
周文煊	儲善慶	曾聰	傅天龍	祁彥	金之傑	李璧玉	董匡漢	龍時徵	黎汝謨	屈大伸		胡繩虞	黎向曙	薛郭	楊一貫	孫瀾	喬承詔	張翰才	鮑文縉	李紹	張琛	劉汝弼
生浙江海寧貢	士江南宜興進	人福建晉江舉	貢山西汾西拔	生遼東廣寧貢	貢浙江臨海歲		人雲南楚雄府	湖廣安化人	人河南羅山舉	人河南高縣舉		人河南光州舉	舉人廣東東營縣	人山西安邑舉	生陝西宜川監	士河南洛陽進	人山西霍州舉	士山西孟縣進	舉人山東潞清州	生河南涉縣監	生陝西韓城貢	人浙江新城舉
年清康熙二十	年清康熙十四	年清康熙九年	年清順治十三	清順治四年	清順治二年		明崇禎三年	明天啓七年	明天啓二年	九年明萬曆三十		四年明萬曆三十	六年明萬曆二十	明萬曆間	年明萬曆十五	明萬曆間	明萬曆三年	明隆慶五年	四年明嘉靖四十	七年明嘉靖三十	一年明嘉靖三十	八年明嘉靖二十
為政明決				祀為政寬仁立祠以									奸煮粥賑饑弭盜除	省清慎慈和刑罰簡	民清廉慈愛政事宜	向賑荒修學士民歸		撓明作有為整刷無	其惠節財愛民	為政精明人不敢欺煮粥救荒民懷		

井陘縣志料

第十五編

大事記

二十九

歐聲振	汪兆霖	夏益進	石飛熊	范鈇	張極	金寶	孫燧	林煜堂	唐奕恩	程晉錫	井陘縣志料	高其哲	李鳳卜	吳鵬	劉慰祖	鄧岫	張濟	鍾文英	李琛	黃孝政	趙羽清	蔡致遠
貢雲南易門拔		監生湖南武岡州	人安徽宿松舉	人浙江鄞縣舉		人浙江會稽舉	人山東博山舉	生廣東平遠貢		士江西鄱陽進	井陘縣志料	人四川什邡舉		人江蘇山陽舉	生湖北潛江廩		人廣東增城舉	人廣東程鄉舉	榜江南長州副	士四川永寧進	士福建漳浦進	
月嘉慶九年二	一月嘉慶八年十	嘉慶五年	月嘉慶元年三	四月乾隆六十年	年乾隆五十六	年乾隆五十三	年乾隆四十九	年六月乾隆四十七	年三月乾隆四十四	年乾隆三十一	井陘縣志料	年乾隆二十一	乾隆二十年	乾隆十年	乾隆元年	雍正十二年五月	雍正十年	雍正〇年	年康熙四十八	康熙四十年	年康熙三十七	年康熙二十八
											大事記						八年內陞中翰				寬厚	
洪晟	黃湘甯	元陸費	王鎧	毛哲	毛哲	葛長信	廖培芳	永祚	徐時行	周尙親	大事記	謝清問	林調燮	胡圻	丁應蕙	毛覽輝	李德芳	張鳳光	吳茂陵	趙暄	高熊徵	方士彥
拔貢四川松潘廳		生浙江桐鄉監	士廣東臨桂進		貢河南武陟拔	人福建侯官舉	人江西崇義舉	人筆帖式鑲白旗滿洲	士雲南蒙化進	人浙江江山舉	井陘縣志料	士雲南河陽進	士福建長樂進	士浙江鎮海進	人山東諸城舉	生浙江遂安貢	貢湖南武陵拔	貢廣東大埔廩	士江南潁州進	士山東長樂進	榜廣西岑溪副	人江西建昌舉
嘉慶九年	月嘉慶九年二	月嘉慶八年九	嘉慶元年	十一月乾隆六十年	年乾隆五十七	年乾隆五十四	年七月乾隆四十九	年乾隆四十七	年六月乾隆四十四	年乾隆三十五	井陘縣志料	年乾隆二十五	年乾隆二十一	乾隆十七年	乾隆五年	雍正十二年八月	雍正十一年	雍正九年正	年康熙五十四	年康熙四十三	康熙四十年	年康熙三十二
寬惠愛民					寬厚重文			愛士恤民歷陞巡視南漕御史											清廉剔弊	廉明革弊超陞兩浙鹽運使司		

趙映春	常善	許春田	許春田	瑞恒	羅錦雯	汪鳴和	汪鳴和	姚玉田	張黼榮	劉富春	喬綏福	李汝賢	文在瀛	劉忻	姜畊	張純	林靖光	鄧炳綸	黨紹修	胡以曜	易
雲南舉人	滿洲鑲白旗生員		山東陵縣廩貢	鑲白旗滿洲舉人	廣西平樂舉人		江蘇吳縣監生	安徽懷遠進士	山西平定州舉人	江蘇江寧舉人	湖北孝感副榜		山西曲沃進士	陝西渭南舉人	江蘇東臺拔貢	奉天廣寧歲貢	福建侯官舉人	江蘇金匱廩貢	陝西郃陽進士	湖北潛江舉人	貴州興義府舉人
同治九年二月	同治六年	同治五年三月回任	咸豐十一年	咸豐十年九月	咸豐八年	咸豐四年十二月回任	咸豐三年	道光二十九年	道光二十八年四月	道光二十七年	道光二十五年三月	道光二十四年十月	道光二十二年	道光十七年	道光十二年六月	道光七年	道光四年	嘉慶二十五年	嘉慶十九年十月	嘉慶十六年	嘉慶十四年
					清廉寬惠重士恤民			威重明決									培植文教		政治明決		失名
陳復恩	祥普	張光鏢	昆嘉	鍾得輔	鄒裕齡	張仲祉	胡岳	李傳黻	趙德滋	楊鱣	羅登瀛	馬光型	石元善	郭綬繁	李維新	陳兆鰲	吳其裕	金偉	汪煜	何繼志	張淑瑗
浙江嘉善監生	滿洲鑲黃旗廩生	江蘇陽湖監生		安徽桐城監生	江蘇清浦監生	河南安陽舉人	湖北天門舉人	湖北孝感拔貢	江西南豐監生	廣東遂溪進士	湖南耒陽舉人	四川灌縣舉人	安徽宿松人	河南洛陽舉人	雲南呈貢舉人	福建閩縣舉人	河南祥符舉人	雲南建水舉人	甘泉舉人	奉天寧海舉人	山東青城舉人
同治九年四月	同治九年正月	同治五年七月	同治五年二月	咸豐十一年四月	咸豐十年九月	咸豐六年	咸豐四年十月	咸豐二年	道光二十八年五月	道光二十八年三月	道光二十五年	道光二十四年十一月	道光二十四年十月	道光十八年	道光十二年十月	道光八年	道光六年九月	道光三年	嘉慶二十三年	嘉慶十九年七月	嘉慶十五年四月
														練達人情臨事果斷	講學教士節用愛民						

井陘縣志

第十五編

大事記

常善	同治九年八月回任	廣東三水舉人	文懷	光緒三年由武強調署
丁燦	光緒五年四月由阜城縣調署	四川成都縣監生	葉祖弗	光緒六年六月授由完縣另
何雲詰	光緒八年二月由邯鄲調署		葉祖弗	光緒九年二月回任
武九經	光緒十一年七月	滿洲鑲白旗進士	長秀	光緒十一年八月由廣宗調署
言家駒	光緒十三年十二月	廣西平樂人	羅鼎焜	光緒十八年
言家駒	光緒二十年回任		佟之陽	光緒二十三年
言家駒	光緒二十四年回任	山東歷城人	嚴書勳	光緒二十六年
趙振鴻	光緒二十七年		蔣士桐	光緒二十七年
胡錫綸	光緒二十七年十月	出身捐納略識之無故其政績半屬糊塗可笑	歐陽之陽	光緒二十八年
謝鑒禮	光緒三十年	貴州人拔貢	丁綸恩	光緒三十二年
許辰田	光緒三十三年	河南人	涂福田	光緒三十四年

井陘縣志

第十五編 大事記

三十一

樂太昌	宣統元年	提倡新政不遺餘力在任未久成績昭著	涂福田	宣統元年回任	人甚謹願政尚和平
王桂壽	宣統二年	人尚精幹惟官僚氣甚深	承訓	民國元年	心地坦白御下屬不嚴在任未久僚屬中舞弊者不少
劉春堂	民國三年	性貪婪而政暴惡即列在酷吏傳中應習	薛溶	民國四年	心地甚好政亦寬大有狐假虎威之弊
許家恒	民國四年	政甚平和無官僚惡習	秦昌濟	民國五年	九口荒邑民幸得安度全賴公設法籌賑心之至仁
張蔚南	民國八年	維持教育提倡自治無賴良民尤為感激	趙椿煦	民國九年	愛地方宵小未斂迹
金孝本	民國十二年	貪婪凶狠宦氣十足	李振江	民國十四年	處事尚明斷
孫錫章	民國十五年	在任僅月餘政績未著	李相	民國十五年	和諷慈注重教育
梁久莪	民國十六年	弗恤民隱恣意斂財可稱貪墨	閻鏡光	民國十六年七月	作事圓滑
潘祥和	民國十七年二月	忠厚老誠奉公守法	張豫和	民國十七年五月	能除暴以安良願教有政聲
柳文藩	民國十八年二月	作事近於敷衍是氣者而有官僚習	黃文錦	民國十九年八月	剛毅果斷對民之弊
王用舟	民國十九年十二月	在任二年於清慎勤到三任近今之良吏也	任甫亭	民國二十一年十二月	

縣局長綏遠固陽縣

河北定縣人歷充

山西朔州人師國

山東汶水縣人

河北省元氏人

安徽合肥人

肅寧縣進士

貴州人拔貢

奉天義州戶部廣東司主事

河南固始人

江蘇常熟監生

山西汾陽縣監生

安徽鳳陽縣拔貢

湖北漢陽縣舉人

光緒五年四月由阜城縣調署

光緒八年二月由邯鄲調署

光緒十一年七月

光緒十三年十二月

光緒二十年回任

光緒二十四年回任

光緒二十七年十月

光緒三十年

光緒三十三年

邑宰爲親民之官或善或惡一邑人民之禍福繫焉舊志職官表內於邑宰之賢者皆表而彰之其不肖者則置之弗論有褒而無貶衡以春秋書法似有未合此次編纂志料經邑中同人公議凡去任之邑宰爲現時人民尙能熟諳其政績者一律加以相當之公評善則善惡則惡各還其本來之面目所以明勸懲昭法戒也

附官補 邑宰，古爲百里侯；故亦稱邑宰爲邑侯然古人有位非邑宰，而名列邑侯者，茲特附於邑宰之後。

豆代田 代人善騎射元魏太武帝神廡中，從討平涼擊破赫連定，得奚斤娥清等以獻世祖太武帝以定妻賜之。詔斤膝行執酒，以奉代田。勅斤曰：「全爾身命者，代田功也。」爵「井陘侯」加散騎常侍，右衛將軍。

韋 師 字公穎杜陵人。少沈謹有至性；居憂盡禮及長，畧涉經史。工騎射初仕北周官至賓部大夫隋初，拜吏部侍郎爵「井陘侯」

(八)黨務 井陘僻處萬山之中，風氣閉塞；人民智識低淺，革命性質薄弱惟因正太路穿境而過，民元黨風，已漸波及，又爲礦業發達之區，時引起共產黨之注意。所以至

井陘縣志料

第十五編

大事記

三十一

今黨務雖尙幼稚，而其迷離變化，實較他處爲甚。茲自民元起，截至民國二十年十月止，按其變動情形，共分五期，說明於左：

國民黨井陘縣分部 有清末葉，廢科舉，立學校；邑中在津保讀書之學生，吸收革命空氣不少。辛亥之役，革命軍與清軍在境內相持日久，兩方軍隊，一經比較，仁暴顯然懸殊；邑中大多數人，對於革命，已有相當之認識。民國元年九月，中山先生赴晉視察，往返經過井陘境內智識階級，革命思潮，爲之一盪。適國民黨直隸省支部部長張繼，派黨員張蓋臣來縣組織國民黨井陘縣分部；各界人民加入者，計達四百餘人。所有工作，異常順利；黨務極一時之盛。詎自各縣國民黨分部成立後，省中舊官僚派，大起恐慌；於是藉口「歐西各國皆有兩政黨互相監督事功乃能進步」之說，先後派人到縣組織「共和黨」；嗣又組織「進步黨」；一兩黨名雖不同，而其實質，皆爲官僚派抵制國民黨之工具。本縣國民黨受境內「共和」「進步」兩黨牽制，黨務進行，遂生障礙。迨民國二年，宋教仁被刺，

二次革命失敗後，袁世凱乃密令各縣查拏國民黨，井陘國民黨分部，遂被解散。井陘縣黨部，民國十六年，直隸省黨部，委任黨員，組織井陘縣黨部。正在進行間，適晉省易幟，有所謂「第二直隸省黨部」者，成立於太原，繼遷於石家莊。井陘縣黨部組織員，與之接洽，遂於同年八月二十五日，宣告成立。該縣黨部，在井陘正豐兩礦，組織工會。時，井陘礦工人，有割斷電線，破壞自來水管，全體罷工之舉；或疑係該縣黨部鼓動，究竟真相如何，局外實未敢斷定。民國十七年，革命軍北伐成功，後天津正式省黨務指導委員會成立，取消其他非法黨部，井陘縣黨部，遂亦在撤消之列。

中國國民黨井陘縣臨時登記處，自北伐成功，革命聲浪，彌滿全省，各縣市黨部，如雨後春筍，應運而生。井陘縣臨時登記處，亦於十七年八月成立。黨務指導員五人，在津接收訓練，宣誓就職。茲分爲「組織」「工作」「結束」三項，述之於左：

井陘縣志料

第十五編

大事記

三十三

(甲)組織

(子)指導員會議 由指導員五人組織之。每週開常會兩次；議決一切對內對外事宜。指導員會議之下，分設五部：

(勺)秘書處 由秘書長一人幹事一人組織之。但秘書長，由指導員兼任。掌管登記處財政，及一切對內對外公文事宜。

(女)組織部 由部長一人及助理幹事一人組織之。掌管登記處黨員組織下級黨部事宜。

(口)宣傳部 由部長一人幹事一人錄事一人組織之。掌管編輯報紙及一切宣傳事宜。宣傳部之下，附設井陘週刊社；專管週刊出版事宜。

(ㄔ)訓練部 由部長一人錄事一人組織之。掌管訓練黨員黨義教師及一切訓練事宜。

(万)民衆訓練委員會 由民衆訓練委員三人幹事一人錄事一人組織之。

但委員由各部長選充。共推常務委員一人，主持日常事務。民衆訓練委員會，每週開常會一次。掌管組織領導訓練民衆團體事宜。

(丑)全體會議 由全體指導員工作人員共同組織之。每週開常會一次；討論內部工作人員勤惰事宜，整理事宜，衛生事宜，及一切言行舉動批評事宜。

(乙)工作。登記處，自接收井陘縣黨部後，即分部進行。其工作，異常緊張。如呈請省部轉咨省府停止預征十八年糧銀，呈報省部轉咨省府飭縣逮捕境內有重大嫌疑之共產份子，咨縣政府成立天足會下鄉宣傳，咨縣政府籌設女子高級小學校，督促縣政府推行國曆，協助各機關抽收煤產稅地方附加捐等，皆秘書方面之重要工作。如登記合格黨員，組織區黨部區分部等，皆組織方面之重要工作。如發行週刊，時出特號等，皆宣傳方面之重要工作。如舉辦星期日黨員訓練班，小學黨義教師講習會等，皆訓練方面之重要工作。如組織縣農民協會，學生聯合會，井陘正豐礦業工會，接收民衆團體之糾紛案件，及

井陘縣志料

第十五編

大事記

三十四

調解辦法等，皆民衆訓練方面之重要工作。

(丙)結束。登記處指導員，雖時有更易，然皆努力整頓，不辭勞瘁，頗稱一時之盛。詎十八年八月間，省部指委，全體辭職，登記處領導無人，工作異常困難。嗣中央派員組織省黨務整理委員會，從新整理各縣市黨務登記處，乃於十二月三日，奉令撤消。計登記處，自成立迄撤消，共歷一年又三閱月。

井陘縣黨務指導員辦事處 河北省黨務整理委員會，於十八年九月十日正式成立；而井陘縣黨務指導員辦事處，則於同年十二月三日產生。其內部組織，與登記處略同。由指導員三人，組織指導會議。設常務一人，組織及訓練一人；宣傳一人，並設幹事及錄事五人。其重要工作，為視察下級黨部，視察井陘正豐兩礦業工會；三二九紀念，舉行擴大宣傳等。嗣以閻馮與中央肇衅，十九年四月，全省黨務，奉令停止；井陘黨務辦事處，遂亦不得不停止工作。計自成立至停止，歷時凡五閱月。

中國國民黨河北省直屬井陘縣區黨部 井陘原有農民協會、礦工會、教育會、商會。自十九年四月間，黨部停止活動；人民團體亦隨之停止。同年九月，閻馮潰敗；黨務漸次復活。至二十年一月，省部派員到縣，改組商會、教育會，復成立縣農會、礦工會。三月，民衆團體改組完竣。省部派井陘黨員審查員，於四月十二日，接收前黨務指導員辦事處，開始工作。十五日，通告審查。共計受審黨員九十六名。六月二十四日，省部發及格黨員證明書八十四份。並派籌備員，將井陘全縣劃分六個區分部：第一，在城內鄉村師範學校；第二，在城內縣立高小學校；第三，在井陘礦廠學校；第四，在威州高小學校；第五，在西焦高小學校；第六，在南王莊區公所。七月十二日，選舉完竣，正式成立各區分部。八月八日，開全區代表大會，選舉執行委員及監察委員。經省部八月三十日常會通過圈定，並頒發執行委員會暨監察委員印信各一顆。於是中國國民黨河北省直屬井陘縣區黨部，乃於二十年十月十六日，正式宣告成立。